



## I. PRINCIPADO DE ASTURIAS

### • OTRAS DISPOSICIONES

#### CONSEYERÍA D'EDUCACIÓN, CULTURA Y DEPORTE

*RESOLUCIÓN de 11 d'ochobre de 2012, de la Consejería d'Educación, Cultura y Deporte, pola que s'modifica la Resolución de 26 de xunu de 2012 pola que s'aprueba la convocatoria conxunta de subvenciones a les entidaes locales, nel ámbitu de la Consejería d'Educación, Cultura y Deporte, en réxime de concurrencia competitiva, mientres l'exerciciu 2012.*

Por aciu de la Resolución de 26 de xunu de 2012, de la Consejería d'Educación, Cultura y Deporte, aprobóse la convocatoria conxunta de subvenciones a les entidaes locales, nel ámbitu de la Consejería, correspondiente al exerciciu 2012.

L'importe total de la convocatoria cifróse en trescientos trés mil doscientos euros (303.200,00 euros), autorizáu pol Conseyu de Gobiernu na so xunta de 17 de mayu de 2012, conforme a la siguiente distribución per llínies, aplicaciones presupuestaries ya importes:

	Línia	Importe
15.02.422R.462.000	Línia 1: Normalización social del asturianu y del gallego asturianu	92.400,00 euros
15.03.455E.462.005	Línia 2: Programes añales d'actividaes culturales	96.000,00 euros
15.03.458D.462.001	Línia 3: Funcionamientu de museos y colecciones museográfiques	114.800,00 euros

De resultes de la reorganización de los creitos del presupuestu de gastos del presente exerciciu 2012, de conformidá col Decretu 4/2012, de 26 de mayu, de reestructuración de les Conseyerías qu'integren l'Alministración de la Comunidá Autónoma, l'aplicación 15.02.422R.462.000 convirtióse en 14.04.422R.462.000.

El Conseyu de Gobiernu, na so xunta de 8 d'ochobre de 2012 alcuerta anular parcialmente l'autorización de gastu, adoptada por alcuertu de 17 de mayu de 2012 con destín a la convocatoria conxunta de subvenciones a les entidaes locales nel exerciciu 2012, na cuantía que se detalla, con cuenta d'afaer la cuantía autorizada a les midíes adoptaes de contención de gastu:

Aplicación presupuestaria	-A/2012
14.04.422R.462.000	15.700 €

Por cuenta d'ello, vistu'l Decretu 74/2012, de 14 de xunu, d'estructura orgánica básica de la Consejería d'Educación, Cultura y Deporte; la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu, y demás disposiciones de xeneral aplicación, a propuesta de la Secretaría Xeneral Técnica,

#### RESUELVO

*Primero.*—Modificación del apartáu terceru 1.de la resolución de 26 de xunu de 2012 pola que s'aprueba la convocatoria conxunta de subvenciones a les entidaes locales, nel ámbitu de la Consejería d'Educación, Cultura y Deporte, en réxime de concurrencia competitiva, mientres l'exerciciu 2012:

L'apartáu terceru.—1, queda redactáu como sigue:

"Terceru.—1. L'importe total destináu al financiamientu de la presente convocatoria xube a la cantidá total de doscientos ochenta y siete mil quinientos euros (287.500 euros), con cargu a les aplicaciones que pa caúna de les llínies, y nel so casu programes, s'indiquen de siguío:

- Línia 1: Normalización social del asturianu y del gallego/asturianu.  
L'importe total destináu a esta llínia xube a 76.700 euros con cargu a l'aplicación 14.04.422R.462.000.
- Línia 2: Programes añales d'actividaes culturales.  
L'importe total destináu a esta llínia xube a 96.000 euros con cargu a l'aplicación 15.03.455E.462.005.
- Línia 3: Funcionamientu de museos y colecciones museográfiques.  
L'importe total destináu a esta llínia xube a 114.800 con cargu a l'aplicación presupuestaria 15.03.458D.462.001."

*Segundu.*—Ordenar la publicación de la presente Resolución nel *Boletín Oficial del Principáu d'Asturies*.

*Terceru.*—Esti actu pon fin a la vía alministrativa y contra'l mesmu cabe interponer recursu contenciosu-alministrativu ante la Sala de lo Contencioso-Alministrativu del Tribunal Cimeru de Xusticia d'Asturies nel plazu de dos meses a cuntar



dende'l día siguiente a la so notificación, ensin perxiciu de la posibilidá de previa interposición de recursu potestativu de reposición, nun pudiendo simultanease dambos recursos, conforme lo estableció nel artículu 28 de la Llei del Principáu d'Asturies 2/1995, de 13 de marzu, de Réxime Xurídicu de l'Alministración, y nel artículu 116 de la Llei 30/1992, de 26 de payares, de Réxime Xurídicu de les Alministraciones Públiques y del Procedimientu Alministrativu Común, y ensin perxiciu de que los interesaos puedan exercitar cualesquier otru que consideren oportunu.

N' Uviéu, a 11 d'ochobre de 2012.—La Conseyera D'Educación, Cultura y Deporte, Ana González Rodríguez.—Cód. 2012-19096.